

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Meeqqat atuarfianni annerni aalisarnek piniarnerlu pillugit siunnersorneqartarnerat qanoq nukittorsarneqarsinnaanersoq iliuusissatut pilersaarummik Naalackersuisut peqquneqarnissaannik Inatsisartut aalajangiiffigisassaattut siunnersuut, aalisarnermik ilinniartitaanermut sulisussarsiortarnerup annertusarneqarnissaa kiisalu Kalaallit Nunaata imarsiornerup iluani piginnaasaasa nukittorsarneqarnissaat siunertaralugu. Siunnersuut EM2026-imut tunniunneqassaaq.

(Inatsisartunut ilaasortaq Jens NapãtôK', Naleraq)

Siullermeerneqarnera

Qujanaq Jens NapãtôK Naleqqameersumut siunnersuutaanut pingaarutilimmut.

Naleqqamiit siunnersuut una tamakkiisumik taperserparput.

Sooq Naleqqamiit taperserput? Pissutigalugu siunissami inuiaqatigiinnut aningaasaliinerusussaammat, siunissami inuiaqatigiit tassaassapput nunatta nappataanni ilisimaarinnilluartut aallusserusussusillit, pimoorussisut, siuarsaallutillu inerisaajuaannartuusut.

Siunissaq takorluulaarsiuk nunatsinnut qanoq iluaqutaatigissagaluarnersoq nunatta nappataat aalisakka maani nunatsinni tamakkiisumik suliarineqartaleraluarpata, aalisartuniit qaqqinneqarneraniit nunatsinni avataanilu pisiniarfinni ilineqarnissaanut nunatsinni tamaat isumagineqarsimallutik. Una siunnersuut tassunga ikaarsaariarnissatsinnut aqqutissaqqittut ilagaat.



Siunnissamut eqqarsarluta pigutta ilumut taamanikkussamut inuiaqatigiinnut pingaaruteqarpoq una siunnersuut. Tassami pingaaqaaq meeqqat atuarfianniit aallartittumik aalisarneq piniarnerlu pillugit ilinniartitaanerup nukittorsarneqarnissaa, uatsinnut tulluarsarlugu piginnaanngorsarlugulu. Uagummiuna aalisagaatigigigut, taamaattumik pissusissamisoorpoq uagut nammineq piliarisalnissai maani nunatsinni tamakkiisumik.

Kalaallit Nunaanni inuussutissarsiornitta pingaarnersaat tassaavoq aalisarneq, taamaattumik siunnersuuteqartoq ilumoorluinnarputit inuusuttatta tassunga piginnaasaqarnerulernissaat tamatta inuiaqatigiittut nunatsinni inissisimasuusugut siunnersuut pisariaqartipparput.

Ullumikkut takusinnaavarput, immikkut ittumik imarsiornermi suliasaqarfinni, soorlu naalakkatut aquttutullu, sulii amerlanerpaat nunanit allaneersuusut. Tamanna allannortinniarlugu siusissukkat aallartittariaqarpugut, tassa meeqqat atuarfianniit.

Naleqqamiit pingaartipparput aalisarnerup silarsuaanut tunngasut tamarmik nunatsinni inuiaqatigiinnikkut ilisimaneqartariaqartut, aallartiffigisariaqarpaalu tassa meeqqat atuarfiat. Aalisakkap pingaaruteqarluinnassusaa meeraanermit ilisimaneqartariarpoq taannaammammi nunatsinni aningaasaqarnitta pingaarnarpaartaat. Taamaallituk meerartatta ilisimaarlugu siunissamut inuiaqatigiinnut nunattalu aningaasaqarneranut aalisagaq iluaqutaalersinneroqqilernissaanut ilisimaligai atorluarlugit inerisaaqataasalersinnaalernissaanut kajumissuseqarnerulersitsinermit siunnersuut una siunertaasoq Naleqqamiit nalilerparput. Meerartagut nunatta nappataani ilisimasai nukittorsarluartigit, naak nunatsinnut sunniuteqareertigaluartut sulii sunniuteqaqqinnerunissaanut aqqutissiiuulluartigit.

Siunnersuutip aamma iluaqutigissavaa inuusuttut inuussutissarsiutinut erseqqissumik aqqutissinneqarnissaat, kiisalu aamma nuna tamakkerlugu piginnaanngorsaanermik nukittorsaaneq ilaassalluni, taamaammat siunissamut akisussaaffimmik tigusinissaanut ilisimasariaqagaanni qaffassartigit. Pingaartumik nunaqarfinni periarfissat annertusarneqarsinnaapput, tassani aalisarneq piniarnerlu ulluinnarni pingaaruteqareermata.



Taamatuttaaq isumaqarpunga pingaaruteqartoq, pilersaarusiortoqartillugu ilinniartitsisut piginnaasaasa qulakkeerneqarnissaat kiisalu najukkani inuussutissarsiortut suleqatigineqarnissaat, taamaalilluni atuartitsineq piviusumut qaninnerusinnaaqqullugu.

Naggasiullugu oqaatigeqqissavara, siunnersuut una tassaavoq siunissamut aningaasaliineq – inuusuttatsinnut, inuussutissarsiutitsinnut aamma nunatsinnut.

Taama Naleqqamiit oqaaseqartutut oqaaseqareerlunga siunnersuut Kultureqarnermut, Ilinniartitaanermut Ilisimatusarnermut Ilageeqarnermullu ataatsimimititaliamut ingerlappara. Ataatsimiititaliarlu sulilluarnissaanik kissaappara.

Qujanaq